



*Tsoom Kav Tswj ntawm
Cov Neeg Ntseeg Siab*

*Michelle Rivas
Tuam Thawj Coj*

*Michael Baker
Lwm Thawj Coj*

*Basim Elkarra
Tus Neeg Saib Xyuas
Ntaub Ntawv*

*Bob Bastian
Tus Neeg Hauv Pawg*

*Linda Fowler, J.D.
Tus Neeg Hauv Pawg*

*Ramona Landeros
Tus Neeg Hauv Pawg*

*Rebecca Sandoval
Tus Neeg Hauv Pawg*

*Tuam Thawj Tswj ntawm
Twin Rivers Unified Koog
Tsev Kawm Ntawv
Steve Martinez, Ed.D.*

*Txhawb txhua tus me
nyuam kawm ntawv kom
muaj txoj kev ntshaw los
ua tau yam zoo tshaj plaws
txhua hnuv*

Yim Hli Ntuj tim 23, 2019

Hawm txog Twin Rivers Tsevkawm Lub Zej Zog,

Kuv sau ntawv tuaj rau koj hnuv no kom nej ho thov zam lub txheej hais txog ntawm ib qho tshaj tawm uas tau muaj sau nyob rau hauv social media (online) los tsim kev ntshai, kev ntshovsiab thiab ua kom nej xav yuamkev kom muaj kev tsis ntseegsiab rau hauv peb lub zej zog. Raw li pom ntawm qhov uas tau tshaj tawm nyob hauv tau qhia hais tias 17 lub ntawm peb cov tsev kawmntawv tab tom nyob rau ntawm “koog yuav raug txaiv” tabsis, ntawm qhov tseeb, **yeej TSIS MUAJ ib lub tsevkawm twg uas yuav raug kaw nyob lub xyoo no thiab TSIS MUAJ cov tswvyim kev pom zoo dabtsi uas tau txia txim tseg** koj tuaj rau pawg Tsoom Kav Tswj ntawm Cov Neeg Ntseeg Siab (Board of Trustees) tau mloog txog. Vim txoj hmoov tsis sawm, Twin Rivers United Educators (TRUE), Pawg Neeg Tswj Saibxyuas Twin Rivers Cov Xibfwb Neeg Txawj Ntawv, tau tsim thiab faib tawm qhov lus tshaj tawm ntawm no thoob plaws peb lub zej zog kom koj muaj kev nkagsiab yuamkev thiab muaj kev npau taws txog rau ntawm nqe lus no.

Kuv uas yog tus tuam thawj tswj yuav tsis lam zaum twjywm es cia cov ntaubntawv tsis tseeb ntawm no tshaj tawm tuaj thoob plaws rau peb lub zej zog nrog txoj kev xav tsis zoo txhob txwm qhia tuaj tsim kev ceeb kev ntshai thiab tsim kev tsis thajyeeb, ua teebmeem ntshov hnyo rau peb lub zej zog. Nrog nej txoj koomtes uake, peb twb tau ua haujlwm hnyav kawg kias los txog txij no rau peb cov tub ntshais kawmntawv, peb yuav tsis pub lwm leej lwm tus lossis lwm pab pawg twg los rhuav tshem peb lub dag zog cov haujlwm uas tau tsim Twin Rivers zoo tshaj ntshov tuaj los rau peb cov menyuam kawmntawv, cov neeg ua haujlwm thiab lub zej zog.

Ntawm no yog lub luag haujlwm feemxyuas los ua twb zoo saib xyuas kom meej hais tias lub Koog Tsev Kawmntawv (District) no muaj nyiaj txuas los khiav haujlwm—uas peb khiav haujlwm mus tau zoo thiab nrawm kom xyuas tau meej hais tias txhua tus menyuam kawmntawv hauv txhua lub chavkawm nyob rau hauv txhua lub tsev kawmntawv tau txais txoj kev qhia ntawv uas zoo thiab muaj txiajntsim thiab tau kev txhawb pab rau lawv. Tas li tau hais los ntawm no, peb muaj Pawg Neeg Saib Xyuas Chaw Kawm rau Menyuam Kawm Ntawv (Student Housing Committee -SHC) uas yog pawg no tau lub luag haujlwm los tsim ib tug qauv cov tsevkawm yuav zoo lcas rau hauv peb lub Koog Tsevkawm—ib yam uas peb tseem **TSIS TAU MUAJ** nyob tam sim no—thiab los tsim ib qho kev pom zoo txheebze cuam tshuam nrog txoj kev uas tshwm sim tau muab cov tsevkawm los tso uake. Qhov dejnum no yog ib qho haujlwm siv sijhawm ntev, thiab txog txij hnuv no tseem **TSIS TAU MUAJ** kev pom zoo dabtsi los tso uake/kaw tej lub tsev kawmntawv twg. Pawg SHC tab tom ntsuam xyuas ntau cov hau kev taug uas lub Koog Tsevkawm tejzaum yuav zoo li cas rau yav pem suab. Thaum twg uas paub txoj txij twg lawm hais tias muaj ib qho kev pom zoo tseeb lawm tiag, peb yeej yuav qhia tuaj cuag koj nrog **cov ntaubntawv uas yog tseeb tiag tiag**. Peb yeej yuav teem caijnyoog tsim tseg zej zog cov rooj sibtham tuaj tham txog cov kaujruam yuav ua lcas tom ntej yog dabtsi thiab qhov tshwm sim tau ho yuav zoo lcas.

Muaj ntau tsav ntau yam zoo uas tab tom tshwm sim rau peb cov tub ntshais kawmntawv thoob plaws peb lub Koog Tsevkawm! Kuv muaj kev zoosiab heev saib seb peb cov menyuam kawmntawv thiab cov neeg haujlwm yuav ua tau yam zoo dabtsi ntshov rau xyoo no. Kuv txhawb dej siab dej ntsws rau koj los mus thim xav txog peb tau ua dabtsi los txog rau tam sim no lawm thiab nws yog ib yam tshwjxeeb npaum lcas uas koj yog ib feem ntawm Twin Rivers. Koj txoj kev phooj kev ywg thiab txoj kev txhawb nqa yog cov uas tseemcee tshaj thiab yog cov yawmsij rau tus menyuam kawm txoj kev vammeej.

Koj yog ib tug uas tseemcee! Tuaj koomtes. Los paub nrog peb los ntawm txoj kev los ntsuam xyuas cov ntaubntawv uas tseeb tiag tiag nyob hauv peb daim website ntawm:
<http://www.twinriversusd.org/Operations/Administrative-Services/Student-Housing-Committee/index.html>.

Koj yeej paub Kuv yeej yuav ua siab ncaj, tseeb tiag, thiab siv ib txoj kev ua haujlwm li pom tiag tiag los qhia rau peb lub Twin Rivers tsevkawm lub zej zog pom!

Saib rau lub samxeeb,

Steve Martinez, Ed.D.
Tuam Thawj Tswj

Physical Address: 5115 Dudley Blvd. ♦ McClellan, CA 95652
Mailing Address: 3222 Winona Way ♦ North Highlands, CA 95660
(916) 566-1600 ♦ FAX (916) 566-1784 ♦ www.twinriversusd.org